

# QVÆSTIO MEDICA,

## QVODLIBETARIIS DISPUTATIONIBVS MANE

### DISCVTIENDA IN SCHOLIS MEDICORVM, DIE IOVIS XXVII.

MENSIS NOVEMBRIS, MAGISTRO FRANCISCO MALLET  
DOCTORE MEDICO MODERATORE.

671

*An prægnanti periculose laboranti abortus?*

**V**T NVTRIMVR similibus, sic curamur contrariis: vomitus vomitum, diarrhœa diarrhœam tollit, rheum biliosam cacochymiam contrariorũ lege, non similibus, vt vani chymistæ somniant. Curationem quam congeniti morbi non admittunt, insinuat *indis*, quæ est comprehensio iuvantis vnâ & nocentis rei. Nocet morbus, morbi causa & symptoma: sed symptomatis vt curatio nulla, sic nulla indicatio, vt neque ætatis, sexus, temperamenti, regionis, tempestatis, constellationis, quæ moderari quidem catharsim & phlebotomiam possunt, omnino prohibere non debent. Grauidæ, infantes, senes, biliosi, Æthiopes cum res postulat, vtrumque præsidium sustinent cum *inopis*.

**R**ERICVLOSA quidê hæc præsidia ægris omnibus *alios* administrata, sed prægnantibus omnino perniciofa: vbi verò cum ratione præscribuntur, & morbos abigunt, & interuertunt abortum, quem vilo tempore prouocare non licet nisi corrupto fœtu. Quamuis à grauiditate malè habeat mulier, nefas tamen fœtum elidere, aut conceptum excutere; si proprio laborat vicio, piaculum. Cum autem quæ vtero gerit obnoxia sit omnibus morborum generibus, ita & omni præsidiorum apparatus indigere potest, quæ abortum quouis mense difficilem & periculosum prohibeant, vitamque fœtæ & fœtus, operationes omnes motus & sensus, vitalem quidni? cum hæmatosi & homæosi in vtero obeuntis custodiant.

**V**T ERO gerentium proprii affectus & mola non sine vituli femine genita, & abortus nonnulli congenitus & *diægeneses*, illa sui perpetuo ablationem insinuat: hic sui inhibitionem, qui cum sit immaturus fœtus exclusio, omnis præter naturam censendus habetur, seu morbi magnitudine, seu medicamenti virtute contingat. Abortum minantur vel accelerant dysenteria senibus & pueris calamitosa, tenesmus laudano perlato non sistendus, alius liquidior, dolor colicus quem mellago Saturni irritat, continua febris & acuti omnes præter naturam affectus, chronicorumque nonnulli, vt febres quotidianæ nullis specificis cedentes, epilepsia maribus quàm feminis familiares magis, arthritides inedia profigandæ, catarrhi, tussis efferæ, &c.

**A**B VTERI & fœtus vicio non minùs quàm à materno sanguine abortus causæ erumpunt. Vteri angustia, læuitas, relaxatio, erysipelas, cancer *aliis*, fœtus crudos ante tempus à natura definitum, quod est à septimo mense ad vndecimum, foras eliminant. Ipse fœtus numero & mole impar vtero immaturum sibi parat exitum: quem quoque promouet ver post austrinam & pluuiam hyemem siccum & aquiloniũ, inordinati fœtus motus, languor eiusdem ac imbecillitas ex attenuatione mammarum maternarum & menstrui sanguinis profluuiio deprehendenda. Periculosus quidem omnis abortus, sed minùs primis quàm vltimis mensibus, parib. magis quàm imparibus; primiparæ mulieres, graciles admodum & crassæ, sanæ & quæ maturos fœtus edere consueverunt, abortiendo magis periclitantur.

**N**ON caret periculo abortus qui medicamentis prouocatur: Apage *ἀφάπτειν* & *φθορά*, medicamenta, ceteraque *ἀποβάματα* assumpta, admota, iniecta, aliæ ratione procurata. Quid si periculose laborat fœta? quid si vterus exclusionem tentet? omni arte vteri conatus compescendus est, fœtus alendus & confirmandus, erigenda quæ vtero gerit præsidij omnibus alterantibus & euacuantibus. Venæ sectio cum res exigit sæpius iteranda ex brachiorum, non poplitum venis, cum ad auertendum abortum ætate lapide, magnete & vipelle præstantior existat: non omittendæ quoque hirudines, cucurbitulæ, catharsis crebra, sed blanda, etiam vltimo grauiditatis mense vitilis, aquæ minerales, diuretica, sudorifica, frictiones interdum ex hydrargyro quæ fœtum & fœtam lue veneræ infectos sanant; cetera demum quæ morbos matris profigare, & immaturi fœtus exclusionem inhibere valent.

*Non ergo prægnanti periculose laboranti abortus.*

118

Proponebat Lutetiæ GUIDO PATIN Bellouacus, Anno R. S. H. M. DC. XXV.

DOMINI DOCTORES DISPUTATVRI.

M. FRANCISCVS MALLET Præses.

M. IACOBVS IOVIN.

M. PETRVS SAVARE.

M. CLAVDIVS DE POIS.

M. PETRVS LE COMTE.

M. ÆGIDIVS LE BLANC.

M. CLAVDIVS CHARLES M. & P. R.

M. QVIRINVS LE VIGNON.

M. DIONYSIVS GVERIN.